

REGIONAL NEWS UNIT
ALL INDIA RADIO, AGARTALA
Date: 23-03-2024
Time: 07:55-08:05 PM Hrs
BENGALI EVENING BULLETIN

Headlines :

- (১) সুপ্রিমকোর্টের বিচারপতি সূর্য কান্ত জেলা বিচার ব্যবস্থার কাঠামোকে শক্তিশালী করার প্রয়োজনীয়তার উপর গুরুত্ব আরোপ করেছেন ।
- (২) মুখ্যমন্ত্রী অধ্যাপক ডাঃ মানিক সাহা বলেছেন, যুবরাই হচ্ছে দেশ ও রাজ্যের প্রধান শক্তি ।
- (৩) প্রধানমন্ত্রী নরেন্দ্র মোদি দুদিনের ভূটান সফর শেষে আজ বিকেলে দিল্লি ফিরেছেন ।
- (৪) টিসিএ পরিচালিত মহিলাদের আমন্ত্রণমূলক ঘরোয়া টি-২০ ক্রিকেট প্রতিযোগিতার ফাইন্যাল ম্যাচটি আগামীকাল অনুষ্ঠিত হবে ।

Judicial Conclave :

সুপ্রিমকোর্টের বিচারপতি সূর্য কান্ত জেলা বিচার ব্যবস্থার কাঠামোকে শক্তিশালী করার প্রয়োজনীয়তার উপর গুরুত্ব আরোপ করেন। আজ ত্রিপুরা জুডিশিয়াল একাডেমি ও ত্রিপুরা হাইকোর্টের উদ্যোগে নরসিংগড়স্থিত ত্রিপুরা জুডিশিয়াল

একাডেমির অডিটরিয়ামে দশম বার্ষিক জুডিশিয়াল কনক্লেভের উদ্বোধন করে বিচারপতি সূর্য কান্ত বলেন, আদালতে দীর্ঘদিন মামলা অমীমাংসিত থাকলে বিচার ব্যবস্থার ভূমিকা প্রশ্নের সম্মুখীন হয়। কোন বিচারপতি বা আদালতের প্রচেষ্টা ও দায়িত্ব হচ্ছে মামলা দ্রুত নিষ্পত্তি করা। সেজন্য আদালতের পক্ষ থেকে প্রয়োজনীয় পদক্ষেপ নেওয়া জরুরী। তেমনি আলোচনার মাধ্যমে মামলা নিষ্পত্তির ব্যবস্থার উপরও তিনি গুরুত্ব আরোপ করেন। সেজন্য জুডিশিয়াল অফিসারদের প্রশিক্ষণ ও সচেতনতামূলক কর্মসূচিতে অংশগ্রহণের প্রয়োজন রয়েছে বলে তিনি উল্লেখ করেন। তিনি বলেন, মামলা নিষ্পত্তি তথা ন্যায় প্রদানের ক্ষেত্রে ত্রিপুরা পিছিয়ে নেই। অনুষ্ঠানে বক্তব্য রাখতে গিয়ে ত্রিপুরা হাইকোর্টের প্রধান বিচারপতি অপরেশ কুমার সিং বলেন, রাজ্যে বকেয়া মামলার সংখ্যা কমাতে উদ্যোগ নেওয়া হয়েছে। গত জানুয়ারী মাসে রাজ্যে সিবিআই-এর বিশেষ আদালত গঠন করা হয়েছে।

তিনি বলেন, ত্রিপুরা হাইকোর্ট এখন জোর কদমে কাজ করছে এবং দ্রুত মামলার নিষ্পত্তি করছে। ২০২৩ সালের পয়লা জানুয়ারি, অমীমাংসিত মামলার সংখ্যা ছিল ১,৬০০টি। গতকাল পর্যন্ত তা কমিয়ে আনা হয়েছে ১,১৭০টিতে। লোক আদালতের মাধ্যমেও বহু মামলার নিষ্পত্তি হচ্ছে।

দশম বার্ষিক জুডিশিয়াল কনক্লেভ উপলক্ষে ত্রিপুরা হাইকোর্টের বার্ষিক রিপোর্ট ২০২৩ প্রকাশ করা হয়। অনুষ্ঠানে স্বাগত ভাষণ দেন ত্রিপুরা হাইকোর্টের বিচারপতি অরিন্দম লোধ এবং ধন্যবাদ জ্ঞাপন করেন ত্রিপুরা জুডিশিয়াল একাডেমির ডাইরেক্টর ঋষিকেশ চক্রবর্তী। তাছাড়াও কনক্লেভে বক্তব্য রাখেন ত্রিপুরা

হাইকোর্ট বার অ্যাসোসিয়েশনের সভাপতি পুরুষোত্তম রায় বর্মণ,
ত্রিপুরা বার কাউন্সিলের চেয়ারম্যান রতন দত্ত এবং এডভোকেট
জেনারেল সিদ্ধার্থ শঙ্কর দে প্রমুখ।

New Court building :

সুপ্রিমকোর্ট'র বিচারপতি সূর্য কান্ত আজ ভার্চুয়ালভাবে কমলপুর
মহকুমা আদালতের নতুন বাড়ির উদ্বোধন করেন। ফলক
উন্মোচন করেন জেলা জেলা ও দায়রা বিচারপতি গৌতম
সরকার। এই ভবনটি নির্মাণে ব্যয় হয়েছে ১৬ কোটি ৪১ লক্ষ
৩৩ হাজার ৬৪০ টাকা।

CM-Jubo Morcha :

মুখ্যমন্ত্রী অধ্যাপক ডাঃ মানিক সাহা বলেছেন, যুবরাই হচ্ছে দেশ
ও রাজ্যের প্রধান শক্তি। তারা শক্তিশালী হলে দেশ ও রাজ্য
শক্তিশালী হবে। আজ প্যারাডাইস চৌমুহনিত্তে ভারতীয় জনতা যুব
মোর্চার উদ্যোগে আয়োজিত সমাবেশে তিনি একথা বলেন।
মুখ্যমন্ত্রী ছাড়া সমাবেশে উপস্থিত ছিলেন বিজেপি রাজ্য সভাপতি
রাজীব ভট্টাচার্য, পশ্চিম ত্রিপুরা আসনের প্রার্থী বিপ্লব কুমার
দেব, রামনগর উপনির্বাচনের প্রার্থী তথা পুর মেয়র দীপক
মজুমদার, যুব মোর্চার সভাপতি সুশান্ত দেব সহ অন্যান্য
কার্যকর্তারা। সমাবেশের আগে একটি রেলি রবীন্দ্র শতবার্ষিকী
ভবনের সামনে থেকে শুরু হয়ে প্যারাডাইস চৌমুহনিত্তে এসে
শেষ হয়। রেলিতে মুখ্যমন্ত্রী অধ্যাপক ডাঃ মানিক সাহা সহ
অন্যান্য বিশিষ্টজনেরা উপস্থিত ছিলেন।

Leader of the Opposition :

বিরোধী দলনেতা জিতেন্দ্র চৌধুরী আজ সাব্রুম সফর করেন। তিনি সাব্রুম বিধানসভার বটতলা, বরখলা, বেতাগা, রতনমুনি ও চালিতাছড়ি এবং মনু বিধানসভার কালাটেপা এলাকায় নির্বাচনী প্রচার করেন।

BJP Election Management Committee :

ভারতীয় জনতা পার্টির পক্ষ থেকে রামনগর বিধানসভার উপনির্বাচন পরিচালনার জন্য নির্বাচন পরিচালন দল গঠন করা হয়েছে। ১৩ জনের এই কমিটিতে আহ্বায়ক হয়েছেন, পরিবহন মন্ত্রী সুশান্ত চৌধুরী। সহ-আহ্বায়ক হিসেবে রয়েছেন, অভিজিৎ মল্লিক, অভিজিৎ দেব, তুষার কান্তি ভট্টাচার্য, সমর রায়, অমল চৌধুরী, সন্তোষ সাহা, ডেভিড দেববর্মা, পৃথ্বিরাজ দেববর্মা, শোভারানী দেববর্মা, ভাস্বতী দেববর্মা, জসীম উদ্দিন ও অভিষেক দত্ত।

Training of polling personal-Gomati :

আসন্ন লোকসভা নির্বাচনের ভোটগ্রহণ পর্ব সুষ্ঠুভাবে পরিচালনা করার লক্ষ্যে গোমতী জেলার রাজর্ষি কলাক্ষেত্রে ভোটকর্মীদের এক দিনের প্রশিক্ষণ শিবির অনুষ্ঠিত হয়। এই প্রশিক্ষণ শিবিরে পশ্চিম ত্রিপুরা ও পূর্ব ত্রিপুরা লোকসভা আসনে গোমতী জেলার

সাতটি বিধানসভা কেন্দ্রের প্রিসাইডিং অফিসার সহ মোট ১৮০০ ভোট কর্মী উপস্থিত ছিলেন।

গোমতী জেলাভিত্তিক এই প্রশিক্ষণ শিবিরে নির্বাচন সংক্রান্ত বিভিন্ন দিক নিয়ে আলোচনা করেন গোমতি জেলাশাসক তড়িৎ কান্তি চাকমা, অতিরিক্ত জেলাশাসক সুমিত লোধ, উদয়পুর মহকুমা শাসক জয়ন্ত চক্রবর্তী।

World Meteorological Day :

আজ বিশ্ব আবহাওয়া দিবস। আবহাওয়ার গুরুত্ব মনে করিয়ে দিতে প্রতি বছর এই দিনটি পালন করা হয়।

আবহাওয়া সম্পর্কে মানুষকে সচেতন করে তুলতে রাষ্ট্রসংঘের এই পদক্ষেপ। বিশ্ব আবহাওয়া সংস্থার প্রতিষ্ঠা দিবস হিসেবেও এই দিনটি পালন করা হয়। আগরতলার এমবিবি বিমানবন্দরস্থিত আবহাওয়া বিভাগে আজ এ উপলক্ষে নানা কর্মসূচির আয়োজন করা হয়। আবহাওয়া বিশেষজ্ঞ ডক্টর পার্থ রায় জানান, এবার বিভিন্ন বিদ্যালয়ের ছাত্রছাত্রীদের আবহাওয়া সম্পর্কে ধারণা দিতে উদ্যোগ নেওয়া হয়েছে। আজ বিভিন্ন বিদ্যালয়ের ছাত্র ছাত্রীদের মধ্যে আবহাওয়া সংক্রান্ত বিষয়ে কুইজ প্রতিযোগিতা অনুষ্ঠিত হয়। ডঃ রায় বলেন প্রাকৃতিক দুর্যোগ সম্পর্কে আগাম খবর দিতে আগরতলা আবহাওয়া বিভাগের অনেক প্রযুক্তিগত উন্নয়ন করা হয়েছে। এজন্য রেডারের সংখ্যা বাড়ানো হচ্ছে বলে তিনি জানান।

PM :

প্রধানমন্ত্রী নরেন্দ্র মোদি দুদিনের ভূটান সফর শেষে আজ বিকেলে দিল্লি ফিরেছেন। ভূটানের রাজা জিগমে খেসার নামগেল ওয়াংচুক বিমানবন্দরে শ্রী মোদীকে বিদায় জানান।

সামাজিক মাধ্যমে প্রধানমন্ত্রী মোদি বলেছেন যে তিনি ভূটানের রাজার ব্যবহারে সম্মানিত হয়েছেন। তিনি ভূটান সফরকে অত্যন্ত বিশেষ বলে অভিহিত করে বলেন, তাঁর এই সফর ভারত-ভূটান বন্ধুত্বকে আরও জোরালো করবে। তিনি অর্ডার অফ দ্য ড্রুক গ্যালপোতে ভূষিত হওয়ার জন্য কৃতজ্ঞতা প্রকাশ করেন।

তিনি ভূটানের জনগণকে তাদের উষ্ণতা এবং আতিথেয়তার জন্য ধন্যবাদ জানান।

Meera Kumar :

বিহারে, কংগ্রেসের বরিষ্ঠ নেতা এবং লোকসভার প্রাক্তন অধ্যক্ষ মীরা কুমার আজ ঘোষণা করেছেন যে তিনি এবার লোকসভা নির্বাচনে প্রতিদ্বন্দ্বিতা করবেন না। পাঁচ বারের সাংসদ শ্রীমতী কুমার সামাজিক মাধ্যমে তাঁর সিদ্ধান্ত ঘোষণা করেছেন।

India Block-South Tripura :

লোকসভা নির্বাচনের প্রস্তুতি হিসাবে আজ বিলোনিয়ায় সিপিআইএম কার্যালয়ে ইন্ডিয়া জোটের এক বৈঠক অনুষ্ঠিত হয়। এই বৈঠকে উপস্থিত ছিলেন দুই বিধায়ক দীপঙ্কর সেন ও অশোক মিত্র, সিপিআইএম দক্ষিণ জেলা সম্পাদক বাসুদেব মজুমদার, কংগ্রেস দলের বিলোনিয়া জেলা সভাপতি মৃদুল পাটারী,

সিপিআইএমএলের রাজ্য কমিটির সদস্য মানিক পাল ও সিপিআই নেতা বিকাশ দে, প্রাক্তন বিধায়ক সুধন দাস, সিপিআইএম বিলোনিয়া মহকুমা সম্পাদক তাপস দত্ত প্রমুখ। বাসুদেব মজুমদার ও মৃদুল পাটারীকে যুগ্ম আহ্বায়ক করে গঠিত হয় ইন্ডিয়া জোটের দক্ষিণ ত্রিপুরা জেলা কমিটি।

I.N.D.I.A Block-Kailashahar :

আসন্ন লোকসভা নির্বাচনকে সামনে রেখে পূর্ব ত্রিপুরা সংসদীয় আসনে ইন্ডিয়া জোট সমর্থিত সি,পি,আই (এম) প্রার্থী রাজেন্দ্র রিয়াং এর সমর্থনে কংগ্রেস ও সি,পি,আই(এম) এর যৌথ উদ্যোগে আজ এক মিছিল কৈলাশহরের বিভিন্ন পথ পরিক্রমা করে। পরে স্থানীয় পুরাতন মোটরস্ট্যান্ড প্রাঙ্গণে এক জমায়েতে বক্তব্য রাখেন, সি,পি,আই(এম) কৈলাশহর মহকুমা সম্পাদক বিশ্বরূপ গোস্বামী ও জেলা কংগ্রেস সভাপতি মোঃ বদরুজ্জামান প্রমুখ।

India Block-Sepahijala :

লোকসভা নির্বাচনকে সামনে রেখে আজ ইন্ডিয়া জোটের সোনামুড়া মহকুমা কোঅর্ডিনেশন কমিটি গঠন করা হয়েছে। ১৩ সদস্যের এই কমিটিতে যুগ্ম আহ্বায়ক হিসাবে রয়েছেন সি.পি.আই.এম নেতা রতন সাহা ও কংগ্রেস নেতা দীপক চক্রবর্তী। আজ কোঅর্ডিনেশন কমিটির পক্ষ থেকে এক সাংবাদিক সম্মেলনে নেতৃবৃন্দ লোকসভা নির্বাচনে তাদের সম্ভাব্য প্রচার সূচী বিস্তারিত উল্লেখ করেন।

BJP, campaign :

আসন্ন লোকসভা নির্বাচনে পশ্চিম ত্রিপুরা আসনের প্রার্থী বিপ্লব কুমার দেব এবং রামনগর বিধানসভায় উপনির্বাচনের প্রার্থী দীপক মজুমদারের সমর্থনে আজ রামনগর বিধানসভার অন্তর্গত বিভিন্ন এলাকায় পদযাত্রার মাধ্যমে ভোট প্রচার করা হয়। উপস্থিত ছিলেন মুখ্যমন্ত্রী অধ্যাপক ডাঃ মানিক সাহা, রামনগর উপনির্বাচনের প্রার্থী দীপক মজুমদার, বিজেপি নেত্রী পাপিয়া দত্ত সহ অন্যান্য কার্যকর্তারা।

Martyrs Day :

আগরতলায় আজ ছাত্র যুব ভবনে বামপন্থী চারটি ছাত্র যুব সংগঠন মিলিতভাবে স্বাধীনতা সংগ্রামী বিপ্লবী ভগৎ সিং, শুকদেব, রাজগুরুর ৯৪তম শহীদ দিবস পালন করে। এই উপলক্ষে আয়োজিত অনুষ্ঠানে শহীদ বেদীতে মাল্যদান, শহীদের প্রতিকৃতিতে পুষ্পার্ঘ্য নিবেদন ও এক মিনিট নীরবতা পালন করা হয়। উপস্থিত ছিলেন ডি.ওয়াই.এফ.আই রাজ্য সভাপতি পলাশ ভৌমিক, সম্পাদক নবারুণ দেব, টি ওয়াই এফ রাজ্য সভাপতি কৌশিক রায় দেববর্মা, এসএফআই রাজ্য সম্পাদক সন্দীপন দেব সহ সংগঠনের অন্যান্য নেতৃবৃন্দ দিনটির তাৎপর্য নিয়ে আলোচনা করেন সংগঠনের রাজ্য সভাপতি।

আজ দক্ষিণ জেলার বিলোনীয়াতেও বামপন্থী ছাত্র যুব সংগঠনের উদ্যোগে বিপ্লবী ভগৎ সিং, সুখদেব এবং রাজগুরুকে শ্রদ্ধা সঙ্গে স্মরণ করা হয়। তিন বিপ্লবীর প্রতিকৃতিতে ফুলমালায় শ্রদ্ধা

জ্ঞাপন করেন বিধায়ক দীপঙ্কর সেন, এবং বামফ্রন্টের ছাত্র যুব নেতৃত্বন্দ।

State Level Bharat Scouts & Guides Samagam :

রাজ্যভিত্তিক ভারত স্কাউটস এন্ড গাইডস, রোভার্স ও রেঞ্জার্স সমাগম আজ থেকে কৈলাশহরের রামকৃষ্ণ শিক্ষা প্রতিষ্ঠানে শুরু হয়েছে।

চলবে আগামী ছাব্বিশে মার্চ পর্যন্ত।

আজ বিকালে পতাকা উত্তোলনের মধ্য দিয়ে চারদিনব্যাপী রাজ্যভিত্তিক সমাগম শুরু হয়েছে।

কৈলাশহরে রাজ্যস্তরীয় সমাগম কার্যক্রমে দেশগঠনে, নেশার বিরুদ্ধে, নিয়মানুবর্তিতা, শৃঙ্খলাবোধ ইত্যাদি নানা বিষয়ে প্রশিক্ষণ তথা ক্লাস নেওয়া হবে।

সবমিলিয়ে রাজ্যের নানা স্থান থেকে মোট ১০৭ জন যুবক-যুবতী এতে অংশ নিয়েছে।

CM-Sepahijala :

বিজেপি নেতা ও মুখ্যমন্ত্রীর অধ্যাপক ডা: মানিক সাহা লোকসভা নির্বাচনকে সামনে রেখে আজ সিপাহীজলা জেলায় সাংগঠনিক বৈঠক করেছেন। বৈঠকে উপস্থিত ছিলেন ত্রিপুরা শিল্প উন্নয়ন নিগমের চেয়ারম্যান নবাবল বণিক, সিপাহীজলা জিলা পরিষদের সভাধিনেত্রী সুপ্রিয়া দাস দত্ত, বিধায়ক তফাজ্জল হোসেন, বিন্দু

দেবনাথ, অন্তরা সরকার দেব। তাছাড়া বি.জে.পির সিপাহীজলা জেলা উত্তরাংশ ও দক্ষিণাংশ জেলা কমিটির সমস্ত কার্যকর্তাগণও এই বৈঠকে উপস্থিত ছিলেন।

Biplab Deb-Pristhapromukh sonmelon :

লোকসভা নির্বাচনকে সামনে রেখে আজ প্রাচ্যভারতী স্কুলে বনমালীপুর বিজেপি মন্ডলের উদ্যোগে পৃষ্ঠাপ্রমুখ ও কার্যকর্তা সম্মেলন অনুষ্ঠিত হয়। উপস্থিত ছিলেন পশ্চিম ত্রিপুরা আসনের প্রার্থী সাংসদ বিপ্লব কুমার দেব, বিজেপি রাজ্য সভাপতি রাজীব ভট্টাচার্য। সম্মেলনে সাংসদ শ্রী দেব বলেন, দলকে শক্তিশালী করতে পৃষ্ঠাপ্রমুখরা গুরুত্বপূর্ণ ভূমিকা পালন করে।

Women's Cricket :

টিসিএ পরিচালিত মহিলাদের আমন্ত্রণমূলক ঘরোয়া টি-২০ ক্রিকেট প্রতিযোগিতার ফাইন্যাল ম্যাচটি আগামীকাল অনুষ্ঠিত হবে। এম বি বি স্টেডিয়ামে সকাল ১১টায় খেতাব দখলের লড়াইয়ে জুটমিল কোচিং সেন্টার খেলবে ব্লাডমাউথ ক্লাবের বিরুদ্ধে।

State wise 13 Cricket :

টিসিএ পরিচালিত রাজ্যভিত্তিক অনূর্ধ্ব ১৩ বছরের ক্রিকেট প্রতিযোগিতার আজ ছয়টি খেলা হয়। এতে তেলিয়ামুড়ায় অনুষ্ঠিত খেলায় খোয়াই ৯৮ রানে তেলিয়ামুড়াকে, নেপকো মাঠে বিশালগড় ৩ উইকেটে সোনামুড়াকে, বিশালগড়ের জাঙ্গালিয়া

মাঠে সদর-এ ৯ উইকেটে মোহনপুরকে, ধর্মনগরের কলেজ মাঠে লংতরাইভ্যালী ৬৮ রানে কমলপুরকে, হাফলং মাঠে কৈলাসহর ৯ উইকেটে গন্ডাছড়াকে এবং বিলোনীয়ায় অনুষ্ঠিত খেলায় শান্তিরবাজার ৬ উইকেটে সাব্রুমকে হারিয়ে দেয়।

Super Division :

টিসিএ পরিচালিত ঘরোয়া সুপার ডিভিশন লিগ ক্রিকেট প্রতিযোগিতার একদিনের সীমিত ওভারের আসরে আজ অনুষ্ঠিত দুটি খেলায় সংহতি ক্লাব ও শতদল সংঘ ক্লাব জয়লাভ করেছে। নরসিংগড়ের পিটিএ মাঠে সংহতি ক্লাব ১ উইকেটে ব্লাডমাউথ ক্লাবকে এবং টিআইটি মাঠে শতদল সংঘ ৬ উইকেটে স্ফুলিঙ্গ ক্লাবকে পরাজিত করে।

T- 20 Cricket Tournament Baikhora :

শান্তিরবাজার মহকুমা ক্রিকেট এসোসিয়েশনের উদ্যোগে আজ বাইখোড়া মাঠে সিনিয়র টি-২০ ক্রিকেটের দুইটি ম্যাচ অনুষ্ঠিত হয়। প্রথম ম্যাচে মুহুরীপুর জনকল্যান সমিতিতে ৪ উইকেট হারায় ব্রু সংগ্রামা। দ্বিতীয় ম্যাচে ১০ উইকেটে রেঞ্জ ক্লাব হারায় কসমোপলিটান ক্লাবকে।

Weather :

আগামীকাল আকাশ আংশিক মেঘাচ্ছন্ন থাকবে। দুয়েক জায়গায় বজ্র বিদ্যুত সহ হালকা বৃষ্টিপাতের সম্ভাবনা রয়েছে। তাপমাত্রা

সর্বোচ্চ ত্রিশ ডিগ্রী এবং সর্বনিম্ন কুড়ি ডিগ্রী সেলসিয়াস এর কাছাকাছি থাকবে। আজ দিনের সর্বোচ্চ তাপমাত্রা ছিল বত্রিশ দশমিক দুই ডিগ্রি এবং সর্বনিম্ন উনিশ দশমিক তিন ডিগ্রী সেলসিয়াস। আগামী চব্বিশ ঘণ্টায় রাজ্যের সব জেলায় বিক্ষিপ্তভাবে বজ্র বিদ্যুত সহ বৃষ্টিপাতের সতর্কতা জারি করেছে আবহাওয়া দপ্তর।
